

Na osnovu člana 4.2 Zakona o prijenosu, regulatoru i operatoru sistema električne energije u Bosni i Hercegovini (“Službeni glasnik BiH”, br. 7/02, 13/03, 76/09 i 1/11) i člana 26. Metodologije za izradu tarifa za usluge prijenosa električne energije, nezavisnog operatora sistema i pomoćne usluge – Prečišćeni tekst (“Službeni glasnik BiH”, br. 93/11 i 61/14), na sjednici Državne regulatorne komisije za električnu energiju, održanoj 30. decembra 2015. godine, donijeta je

ODLUKA

O OBEZBJEĐENJU NEDOSTAJUĆIH KOLIČINA POMOĆNIH USLUGA ZA JANUAR 2016. GODINE

Član 1.

Ovom odlukom odobrava se prijedlog Nezavisnog operatora sistema u Bosni i Hercegovini o obezbjeđenju nedostajućih količina kapaciteta rezerve sekundarne i tercijarne regulacije za januar 2016. godine (brojevi 1403-1/15 i 1403-3/15 od 28. odnosno 29. decembra 2015. godine), koje su vlasnici licence/dozvole za proizvodnju Regulatorne komisije za energiju u Federaciji Bosne i Hercegovine ili Regulatorne komisije za energetiku Republike Srpske dužni pružiti u skladu sa obavezom iz uvjeta za korištenje licence/dozvole.

Član 2.

Nedostajući dio kapaciteta rezerve sekundarne regulacije bit će obezbijeden kako slijedi:

- Elektroprivreda Hrvatske zajednice Herceg Bosne, Mostar – 8 MW u vršnom i u nevršnom periodu,
- Elektroprivreda Republike Srpske, Trebinje – 6 MW u vršnom periodu i 12 MW u nevršnom periodu, i
- Elektroprivreda Bosne i Hercegovine, Sarajevo – 15 MW u nevršnom periodu.

Član 3.

Nedostajući dio kapaciteta rezerve tercijarne regulacije bit će obezbijeden kako slijedi:

- Elektroprivreda Hrvatske zajednice Herceg Bosne, Mostar – 34 MW, i
- Elektroprivreda Republike Srpske, Trebinje – 20 MW.

Član 4.

Cijene po kojima se pružaju usluge iz čl. 2 i 3. ove odluke jednake su prosječnim ponderiranim cijenama prihvaćenih ponuda u postupku javne nabavke tih usluga, i iznose:

- kapacitet rezerve sekundarne regulacije – 23,47 KM/kW/mjesec, i to u vršnom periodu 17,6025 KM/kW/mjesec, a u nevršnom periodu 5,8675 KM/kW/mjesec, i
- kapacitet rezerve tercijarne regulacije – 6,46 KM/kW/mjesec.

Član 5.

Pružanje pomoćnih usluga obavlja se u skladu sa Tržišnim pravilima (“Službeni glasnik BiH”, broj 48/15) i odgovarajućim procedurama.

Član 6.

Ova odluka stupa na snagu danom donošenja i objavit će se u “Službenom glasniku BiH”, službenim glasilima entiteta i Brčko Distrikta BiH.

Broj: 04-28-5-326-59/15
30. decembra 2015. godine
Tuzla

Predsjedavajući Komisije

Milorad Tuševljak